

新會縣志卷四

知縣林星章主修

香山黃培芳

總纂

南海會 釗

建置第三下

壇廟 祀典儀注附

津梁

墟市

郵鋪

何朝昌分纂

新會縣志 卷四

建置下 目錄

新會縣志卷四

建置

壇廟 祀典儀注附

社稷壇在城北北向深一十五丈廣二十丈齋亭省牲所在壇之西南每逢上戊日縣官率屬官致祭參賈志大清會典每逢春秋仲月上戊日致祭

社稷壇設主於壇硃漆書曰社神稷神神位前各帛一黑銅

二簠二籩四豆四爵三共羊一豕一尊一祭日鷄初鳴承祭

官以下咸朝服齊集黎明贊引禮生二人引承祭官詣盥洗

所盥洗通贊禮生贊執事者各司其事以下自迎神至贊引

禮生贊就位引承祭官至階前拜位立引班禮生二人分引

陪祭官文東武西各就拜位序立乃迎神贊引贊升壇引承

新會縣志卷四

壇廟

祭官升壇詣香案前司香跪奉香贊引贊上香承祭官三上

香贊復位引承祭官降復位贊跪叩興以下行禮皆有贊承祭官行

三跪九叩禮陪祭各官皆隨行禮奠帛初獻爵司帛奉篚進

跪奠篚司爵奉爵進獻爵奠正中皆退司祝禮生至視案前

跪承祭官暨陪祭官皆跪司祝讀祝畢詣神位前跪安祝於

案叩如初退承祭官暨陪祭各官行三叩禮亞獻爵奠於左

終獻爵奠於右均儀如初獻迺徹饌送神承祭官行三跪九

叩禮陪祭各官皆隨行禮司祝奉祝司帛奉帛恭送瘞所承

祭官轉立拜位西旁東面候祝帛過復位引至望瘞位望瘞

贊引禮告成退眾皆退例支祭品銀十八兩五錢八分三釐

參大清會典阮通志

祝辭曰維某年月日某官某致祭於

社

稷之神曰惟

神奠安九土粒食萬邦分五色以表封圻育三農而蕃稼稽
恭承守土肅展明禋時屆仲春秋敬脩祀典庶九九松柏鞏磐
石於無疆翼翼黍苗佐神倉於不匱尙饗大清通禮

按會典社稷壇爲大祀

先農壇在城東東勝汎前正祠三間大門一間壇一所周以
圍牆門外籍田四畝九分雍正五年建祭用仲春亥日縣官
率屬官行禮參賈志

每歲仲春亥日致祭

先農壇紅牌金字填寫先農神牌於壇承祭官率所屬俱於
前期致齋二日祭日各官俱穿朝服一切禮儀陳設供品悉

新會縣志

卷四

壇廟

二

照社稷壇之例行祭祀經費在藉田穀價動支祭壇畢各官
俱換蟒袍不穿補服詣藉田行耕藉禮知縣秉耒佐貳執青
箱播種耆老率農夫披蓑戴笠竝於田間行耕時用耆老一
人牽牛農夫二人扶犁唱歌農童六名俱照九卿之例九推
九返畢釋鞭耒以次序立田首西面北上農夫終畝告畢事
各官補服望闕立通贊贊齊班引班分引知縣以下至香
案前按班序立重行北面耆老農夫稍遠列行北面隨立贊
行三跪九叩首禮興各退藉田四畝九分歲入穀數六兩七

錢三分四釐

參大清會典阮通志

先農之神曰惟

神肇興稼穡立我烝民頌思文之德克配彼

天念率育之功陳常時夏茲當東作咸服先疇洪惟 九五

之尊歲舉三推之典共膺守土敢忘勞民謹奉彝章聿脩祀
事惟願五風十雨嘉祥恒沐

神庥庶幾九穗雙歧上瑞頻書大有尙饗

大清通禮

耕藉歌

聖朝鉅典念農祥吉亥脩儀遍遠方開府奉行王制美共知
天子重農桑

肅肅青壇翠幕張東風萬里布春陽海疆共愜深耕願早進
先農一炷香

悠揚鼓吹出東方父老謹呼擁道旁乍見青紘躬耒耜預占
綠野富倉箱

獵獵青旗繞綠楊珠瓔寶馬自成行手攜嘉種從容布還似
神仙跨五羊

新會縣志

卷四

壇廟

三

短笠青簑映曉光千夫齊向九推旁一尊勞酒同沾被遙浥
天田雨露香

杏花菖葉漫春忙海上班春別有方時雨一犁春社後木棉
花赤菜花黃

朝成春水漲橫塘榕樹村中短犢忙趁取炎方禾再熟新茶
未出早分秧

海濱生計重開荒儘把勤勞格
上蒼遍鑿蘆洲成沃土漲沙隨處湧村庄

勤農恩禮倍尋常佇見郊原歲歲穰南陌東阡催社鼓羔羊

頌無疆

神天子重農桑丹鳳銜書到海疆擁節大臣宣德意藉田
開處麗春陽

六合清寧時雨暘華星常正驗農桑碧畦繡甸青郊暖勤勸
春耕答 九閩

先農壇畔集鸞鳳擇日占風禮數詳北望天田陳御耦青旗
高拂五雲光

青原小隊肅分行綠護山前草木芳翻起一犁香土軟田歌
傳入水雲鄉

成羣簞笠盡村庄布穀聲中曉氣涼看罷九推歸去早好乘
新雨插新秧

課晴問雨莫嫌忙 黼座方披七月章要使耕夫齊舉趾并
教饁婦競提筐

瀕海潮生滿碧塘漑田早卜歲豐穰水車秧馬時收拾容易
嘉禾壓隴長

新會縣志

卷四

壇廟

四

和風甘雨潤炎方紫荔紅蕉六月香瑞穀生成多九穗先春
玉粒貢神倉

逢年爭祝滿倉箱萬寶成時好築場飽喫田中新熟稻大家
擊壤咏陶唐

阮通志

迎春儀注

附

先立春日知縣於東郊造

勾芒神土牛春在十二月望後

勾芒神執策當牛肩在正月朔後當牛腹在正月望後當牛
膝示民農事早晚屆立春日吏設案於

勾芒神春牛前陳香燭果酒之屬案前布拜席通贊執事者
於席左右立知縣官率在城文官丞史以下朝服畢詣東郊
立春時至通贊贊行禮正官一人在前餘官以序列行就拜

位贊跪叩興衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興各列綵仗正官擊鼓者三環鞭土牛者三乃舁

勾芒神土牛鼓樂前導各官後從迎入城置於公所各退地在

丁內與祈晴禱雨救護日月支用共銀五兩零三分參賈志大清通禮

按會典先農壇為中祀

風雲雷雨山川城隍壇在城西南向深一十七丈二尺廣二十四丈齋房省牲所在壇之東每歲秋仲月祭社次日縣官

率屬官行禮參賈志

每歲春秋仲月致祭

雲雨風雷山川城隍共一壇安一壇安設雲雨風雷之神居中帛四縣境內山川之神居左帛二縣城隍之神居右帛一

新會縣志

卷四

壇廟

五

共帛白色七尊一爵二十有一陳設禮儀與社稷壇同經費

在社稷壇經費內勻支參大清會典阮通志

祝辭曰維某年月日某官某致祭於

雲雨風雷

山川

城隍之神曰惟

神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰

敬潔豆籩祇陳牲幣尙饗大清通禮

按會典神祇壇為中祀

成隍廟在縣治右南向面古岡山明洪武三年知縣吳拳建

督丁積重修深二十五丈廣四丈五尺大堂三間

望五間儀門三間大門三間李承其碑新會有城隍又有

國初天順末今憲使陶公縣丞時所重建也公嘗語其曰鬼

神之固不可觀其理之著見於外而執持吾前者如弓

不張而發如矢不注而中隱然造化之柄也囊年西賊之來

望吾城如銀山天塹以限隔之就子授首者不足言也其威

靈有益於民如此又嘗遣人賞折稅銀之京師將抵羊城為

賊所劫乃下令得賊報者賞且告於城隍以必得賊為誓是

夕卧廟中恍惚若有人撼予曰賊得矣予起出廟門行百步

內一室燭光隱見暗暗聞人語云銀為賊所劫我識其人而

不知其姓名蓋嘗往來鬻販於此者也明且使踪跡果得賊

其威靈有益於民又如此然人徒知城隍有險之險與山川

之勢相為無窮而不知其無險之險與天地萬物相為無窮

有如是者乎登山涉河東封西祀祇園靈境金闕瓊臺其地

既非所以容民蓄眾又非所以崇德顯功方且低心佞佞視

視而無所於底止其為淫妄何如哉予已修其廟貌以嚴祀

承箕於是序之乎嘉靖中知縣王交重修知縣余恩建感應

門於儀門外譚康熙三十六年知縣佟鎔復修乾隆十九年

知縣圖爾兵阿重修草道光十九年知縣林星章捐廉重建

新會縣志 卷四 壇廟 六

接任言良鈺相繼董成以紳士譚興然何鳳何朝昌陳占元

黃震亨黃肇彰李炳麟督理其役縣

洪武三年詔封天下省府州縣城隍之神前奉木主後塑神

像每歲清明七月望十月朔致祭 國朝凡遇祈晴齋戒禁
止屠宰各官懸齋戒牌在城隍廟設香案香蠟拜用紅檀僧
道各一班開壇誦經禮生四名鼓吹一班各官衣素服步行
至廟禮生引至拜位贊行一跪三叩頭禮宣疏文畢再行一
跪三叩頭禮焚疏文再揖贊禮畢俟天色晴明酌神參阮
文昌宮有二一在城內象山明萬曆十六年建乾隆二十九
年重修陳其燒一在大雲山草乾隆五十年重修採訪
每歲二月初三八月十八日致祭
文昌廟承祭官迎神送神俱行三跪九叩首禮初獻亞獻終

獻讀祝各行一跪三叩首禮祭品帛一牛一羊一豕一豎一
釧一籩十豆十後殿神位南向設案一祭品帛各一羊一豕
一籩豆各八簋盞各二鑪鐙二香盤三爵九尊一承祭官行
二跪六叩頭禮餘同前殿大清通禮祝辭曰維某年月日某官某致祭於

文昌帝君曰惟神蹟著西潼樞環北極六匡麗曜協昌運
之光華累代垂靈爲文人之主宰扶正久彰其感應薦馨宜
致其尊崇茲屆仲春秋用昭時祀尙其歆格鑒此精虔尙饗續纂

後殿祝辭曰維年月日某官某致祭於文昌帝君之

前代曰祭引先河之義禮崇反本之思矧夫世德彌光延賞
斯及祥鍾累代炯列宿之精靈化被千秋爲文人之主宰是
尊後殿用答前庥茲值仲春秋肅將時事用申告潔

新會縣志卷四 壇廟

神其格歆尙饗同上

案會典文昌廟爲羣祀

武廟一在新東城門內明萬歷二十七年千戶陳其印買地
一畝二分二釐二毫九絲四忽創建廟前有石橋橋外綽楔
曰天地正氣曰精忠大節外建石戲臺乾隆二十五年知縣
熊宗說捐俸倡修開擴規模貢生區大勤生員趙景良監生
何元輝區大麟踵事勸題在廟左置地一段六釐創建神三
代後殿正堂三間大堂三間頭門三間以奉秩祀又在戲臺
後置地一分九釐四毫三絲三忽改建戲臺其所置地稅撥
入禮義一畝官戶新立武廟柱一在縣治後舊兵備道行署
順治丙申年武營改建名曰得勝廟雍正十年參將王榮等
重修乾隆二十九年邑人重修草志一在西整採訪冊

每歲春秋仲月上戊日致祭

關帝廟祭日贊引官引承祭官進左旁門至盥洗所盥洗畢引至殿內行禮處立典儀唱迎神司香官捧香盒跪於鑪左贊位承祭官就位立典儀唱迎神司香官捧香盒跪於鑪左贊引官引承祭官至鑪前立贊上香承祭官上炷香於鑪內又三上辦香畢贊引官贊復位承祭官復位立贊引官贊跪叩興承祭官行三跪九叩頭禮興典儀唱奠帛行初獻禮捧帛官跪獻畢行三叩頭禮退執爵官立獻爵於案上正中退讀祝官至祝案前一跪三叩頭捧祝文立贊引官贊跪承祭官讀祝官俱跪贊引官贊讀祝讀祝官讀畢興捧至案前跪安帛匣上三叩頭退贊引官贊叩興承祭官行三叩頭禮興典儀唱行亞獻禮執爵官獻爵如初獻儀獻於案左退典儀唱

新會縣志

卷四

壇廟

八

行終獻禮執爵官獻爵如亞獻儀獻於案右典儀唱送神贊引官贊跪叩興承祭官行三跪九叩頭禮興典儀唱捧祝帛恭詣燎鑪捧祝帛官至神位前一跪三叩頭捧祝帛起司香官跪捧叩承祭官避立西旁俟祝帛過仍復位立贊引官贊詣望燎位承祭官至燎所祝帛焚贊引官贊禮畢各退參大清

會典阮通志

祝辭曰維某年月日某官某致祭於

忠義神武靈佑仁勇關聖大帝之神曰惟

帝浩氣凌霄丹心貫日扶正統而彰信義威震九州完大節

以篤忠貞名高三國神明如在徧祠宇於寰區靈應丕昭薦

馨香於歷代履徵異蹟顯佑羣生恭值仲春嘉辰遵行祀典

筵陳籩豆凡奠牲醪尙饗

大清通禮

祭品陳設禮神制帛一色白磁爵三牛一豕一豎一釧

二簋簋各二籩豆各十果品五酒一罇祭祀經費在地丁支

銀六十兩祭後殿行二跪六叩禮三代神位各異案均向南

每案羊一豕一釧二簋籩各二籩豆八鑪一鐙二帛各一色白

香盤三爵九尊三俎篚冪勺具餘儀同阮通志

後殿祝辭曰維某年月日某官某致祭於 關帝之

曾祖光昭公

祖裕昌公

父成忠公曰惟

公世澤貽庥靈源積慶德能昌後篤生神武之英善則歸親

宜享尊崇之報列上公之封爵錫命優隆合三世之肇禮典

章明備恭逢仲春諏吉祇事薦馨尙饗大清通禮

新會縣志 卷四 壇廟

案會典關帝廟為羣祀

天后宮有二一在四賢祠天后為莆田林氏女至孝能知人

禍福沒而祀之航海者禱輒應天后自宋封南海廣佑明著天

妃明封護國昭孝純正靈應孚濟聖妃 國朝康熙十九年

封護國庇民妙靈昭應宏仁普濟天后乾隆二年加封

福佑羣生二十二年加封誠感咸應五十二年丁未平臺

灣林逆又加封顯神贊順 案丁未阮通志作丁酉誤

一在濠橋街每歲春秋仲月上癸日致祭

天后神廟祭品未有定例儀注與文昌廟同支祭品銀一兩

八錢在地丁項下動支阮通志

附祀鋪祀田租額道光十九年知縣林星章將例應入官

在帝臨堂一在華美街一在江門豐寧街一在江門井泥

下街一在江門井泥步頭一在江門水南渡頭二在江門井泥

日墟又撥林福田聶勝昌承佃湖居二十四崙土名第一

門美蘆坦低窪白坦一段東至譚明快等退西至海一百

一十二丈南至何莫田北至何應梧祖田各二十七丈該

稅四十九畝九分五釐歸天后廟自道光二十年起遞年

上期租銀一十兩交首事譚興
經綱朝昌等給支三年一替管理

祝辭曰

維

后配

天立極護 國徵祥河清海晏物阜民康保安斯土福庇無疆千秋鞏固萬載靈長

神恩思報

聖澤難忘虔修祀事恭薦馨香士民一德俎豆同堂仰惟昭格鑒此蒸嘗尙饗阮通志

旗纛廟在舊守禦千戶所即今參將府後明成化三年建嘉靖三年千戶孫敏重修每歲祭山川日遣旗手衛指揮祭於山川壇之旗纛廟霜降日武官致祭於教場採訪冊

新會縣志

卷四

壇廟

十

醫靈廟在邑城古榕臺跨河採訪冊

案會典先醫廟為羣祀

厲壇在社稷壇南向深八丈廣七丈每歲清明七月望十月朔致祭無主鬼神參賈志王志

每歲清明日七月望日十月朔日祭無祀鬼神於城北郊厲壇前期守土官飭所司具香燭公服詣

城隍神以祭厲告行一跪三叩禮至日所司陳羊三豕三飯米三石於祭所香燭紙酒隨用設燎鑪於壇南黎明禮生奉

請

城隍神牌入壇設於正中主其祭榜無祀鬼神分祀之禮生引守土官詣神位前贊跪守土官跪贊上香守土官三上香贊叩興守土官三叩興退執事者焚楮帛守土官詣燎鑪前

祭酒三爵退禮生奉

城隍神牌還廟每年三祭每祭銀六兩三錢二分在地下內

動支

參會典
阮通志

祝辭曰某年月日某官某致告於

廣東廣州府新會縣城隍之神曰奉禮部劄付欽奉

皇帝聖旨普天之下率土之上無有不人無有不鬼人鬼之道幽明雖殊其理則一今國家治民事神已有定例尙念冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊者有被人強奪妻妾而忿死者有被人掠取財物而逼死者有誤遭刑罰而屈死者有天災流行而疫死者有爲猛虎毒蟲所害者有饑寒交迫而死者有因戰鬪而殞身者有因危急而自縊者有因牆屋傾頽而

新會縣志

卷四

壇廟

十一

壓死者有死後而無子孫者此等鬼神或終於前代或歿於近世或兵戈擾攘而流移於他鄉或人煙斷絕久缺其祭祀姓名泯沒於一時祀典無聞而不載此等孤魂死無所依精魂未散結爲陰靈或倚草附木或爲妖作怪悲號於星月之下呻吟於風雨之中或遇人間令節魂杳杳以無歸意懸懸而望祭興言及此憐其慘悽故勅天下有司依期致祭命本城隍以主此祭鎮按壇場鑒察諸神等類其中有爲良善遭刑禍死於無辜者神當達於所司使之還生中國永享平之福如有素爲克頑身逃刑憲雖獲善終亦出僥倖者

神當達於所司屏諸四夷善惡昭報神必無私除欽奉外合

駟牒移城隍獄神弔出獄幽以享祀典久遠遵行

阮通志

案會典厲壇爲羣祀

節節即慈元殿在厓山西向以祀楊太后明宏治四年布

陳獻章有十三年僉事徐紘奏請入祀典賜額黃通志

節廟在新會厓山之上宏治辛亥今兵部尚書華容劉公大

未之請也庚申僉事武進徐公紘適分巡是邦也乃疏上特

賜今額而祀典如祀歷代帝王于時新廟碑卡之樹也甲子

右參政慈谿王公綸適分守是邦也乃屬筆於訓謹按后度

宗之淑妃也當胡兵之入寇也直擣臨安一時帝后王臣盡

為俘虜獨后負其子益王是與廣王昺航海奔厓山依二三大臣

今是即帝位册后為太后帝崩復立昺奔厓山依二三大臣

陸秀夫輩卧薪嘗膽為宗社恢復圖既而胡兵進逼厓山陸

秀夫知事不可為也負帝昺赴海死之而宋祚遂移矣后聞

之撫膺大慟曰我間闕至此者正為趙氏一塊肉耳今無望

矣亦赴水死焉惟宋三百年后妃之賢前稱高曹後稱向孟

亦皆可以為難矣然皆處常而能正者耳至於流離患難卓

然能炳大義一君亡復立一君而以身殉之其死也為社稷

死為國家死為綱常死為謹內外辨華夷死所謂死有重於

泰山者也其有功於世教也大矣豈非死變而不失其正者

尤不易乎是雖丈夫子讀書說理道者事君則欺其君相國

則賣其國專城則棄其城賊至則或閉門或迎降平時君以

新會縣志

卷四

壇廟

十一

高爵厚祿待之謂何一旦視棄其君父如棄弁髦者蓋亦多

矣顧后肅然以坤柔之姿目或不知書而理道或不能出諸

口及乎臨大變毅然視死如歸何哉盍亦求其故乎蓋體道

在率性而已矣性無不具者也故以婦人女子之質之美者

往往所行不期與道合而自合如后之流是已性昏於蔽者

也故丈夫子而不能率性者類為物欲所蔽故無事則從容

委蛇談何容易至於小小得喪利害臨之於前而不喪志失

守者或寡矣况死生之際乎欺君賣國之流是已彼為禍水

為北晨者又何怪乎然則我皇明全節之褒元祀之饗以為

后待者宜也非過也然自赴海後二百餘年而得劉公始建

廟又九年而得徐公始請祀典又四年而得王公始徵文勒

之金石歲閱七世政更三賢然後全節之廟貌俎豆后之流

風遺烈始與厓山齊高海水俱長矣詔近輯厓山新志載后

事亦既詳矣復懼夫世之昧者不知率性以為道也僭為之

辭為王公復俾刻之系以詩曰朗朗性天古謂明德明德克

弗臧大命以攘夷狄堂丈夫破釜失色孰能死生從容擁翟

尊中國以攘夷狄堂丈夫破釜失色孰能死生從容擁翟

高曹向孟光昭史冊於赫后烈見邁前獲三百餘禋貞風淪

落有嚴廟貌臣大夏作有隆祀典臣紘建白帝曰俞哉宜屋

宜秩歲饗太牢廟褒全節臣綸揚化用播金石臣詡操觚敬

述帝則光烈煌煌聖教赫赫五嶺以南雷厲風靡碑於廟門

垂億正德九年知縣徐乾重修趙思仁子鵬捐貲助役深一

十四丈正殿三間東西廡各三間碑亭一座王嘉靖二十二年

年副使林雲同重建邵銳嘉靖九年巡按御史李美建行宮

於圭峰山提督林雲同議謂朝廷祀典不宜擅易乃修厓山

全節廟成行宮遂毀黃通明季復廢於兵燹國朝雍正十

一年奉行重建添設頭門一座王乾隆五十六年趙氏子孫

重修知縣侯學詩有

每歲春秋仲月上旬致祭全節廟如古帝王儀制縣官率屬

官行禮參黃通志

禮器祝一爵三几四簋十豆十簋二簋二釧二登一篚一盥

盆一蛇一牛羊豕函各一祭品酒三爵帛一篚太羹一登和

羹二釧黍稷二簋稻粱二簋形鹽藁魚棗栗榛芡菱鹿脯白

黑餅十籩韭菁芹菹醢鹿醢魚醢豚拍脾析十豆牛一俎羊

新會縣志卷四壇廟

一俎豕一俎禮生八如社稷之數黃通

祝辭曰某年月日某官欽奉朝命致祭於

宋太后楊氏之靈曰惟靈生值宋阨義存趙孤轉鬪胡兵

關海道力窮勢逼視死如歸身與國而俱亡心惟天而可

鑑歲年既久血食無依屬建祠宮聿修祀事庶以復綱常於

萬古振風化於四方靈爽若存庶其歆饗黃通

片石長留何處山厓門朝日至雪浪飛天關章元應

廟詩一時環佩委滄茫烈氣今猶塞大荒入柱西傾愁煉石

重瞳南去怨清湘中興不負孤兒託全節還增百代光莫道

海隅青塚遠諸陵無樹倚斜陽王綸全節廟詩萬里間關

來澤國幾人正笏立行朝風塵滿目山河異越樹傷心帶路
迺千古魂依厓嶠月一時淚盡海門潮清祠奕奕奎光在過
客無勞賦楚招陶照全節廟詩虎鬪龍騰日月昏波濤洶
伊摠乾坤可憐一死能全節不似降元號合尊慈元高峙兩
間辛苦遭逢國步艱贏得聖朝尊祀典絕勝埋骨傍西山
與王日或副三閭立帝時盡擬翔龍回宋歷詎期魚腹
師貞魂不與滄波逝峻節猶堪張四維何元述全節

恩深難捨趙兒孫百死間關到海門母后喪時當國難
運去失中原松楸隱隱周禾黍陵廟蕭蕭漢寢園獨有
樓遺恨在四時相續自潺湲林俊詩手攜塊肉淚相看
決身殲力許難舊內已頌元歷日行朝終少漢衣冠沐潢
海流方盡宮骨凝秋氣作寒獨倚厓門弔興廢雲風雨
鵲殘黃佐詩極目黃塵暗帝畿樓船南去逐斜暉已無
帳鳴金拆祇有龍潭葬寶衣結衛何時填海滿蒼
借終日見雲飛貞魂若化吳宮菡萏是年年一度歸

八忠祠在厓門全節廟左西向祀宋丞相文天祥陸秀夫樞

使張世傑明成化十二年僉事陶魯奏請建祠賜額八祀

深二十丈零廣六丈正堂三間東西兩廡各五間儀門三

間外門三間碑亭一座

黃通志 羅倫記君臣父子之倫天

心孟子曰生我所欲所欲有甚於生者死我所欲所惡有甚
於死者不可解於心也若宋丞相文公天祥陸公秀夫樞密
使張公世傑殺身成仁舍生取義參天地而獨立貫萬古而
不往夫豈有爲而然哉不可解於心也夷狄禍宋盛矣遼橫
於初富弼諸公折之金侵於中張鄭諸公死之韓岳諸公禦
之元熾於終忠臣義士紛起而以死禦之三公者其大也元
師渡江自鄂入衛上下驚歎卞彪說降斷舌傑之以死自誓
繼立二王力竭勢盡齋香祝天颶風覆舟者樞密使張世傑

新會縣志

卷四

壇廟

高

也外籌軍旅內調工役正色行朝勸講大學抱節赴海從死
十萬者丞相陸秀夫也起義贛州烏合萬餘鼓行赴難出使
舉亭奮罵不屈被留行營鎖江亡歸開督南劍襲執五坡目
擊厓山悲歌慷慨正氣塞天就囚燕獄從容南向而後就死
者丞相文天祥也三公者其死不同其心一也一者何義之
盡仁之至也烏呼樂人之樂者憂人之憂食人之食者死人之
之事此公之所以爲心也亡國之慘未有甚于宋矣春秋之
義萬世之防在此也兩國興亡而已乎此公之所以爲心也
宋以仁厚立國禮義養士卒食其報自時厥後合尊之子辛
嗣大統陰易元祚已帝中華世主沙漠天之助宋陪而復起
仁義何負於國哉先是倫謂陳公甫曰表異先賢教德勸忠
公甫以告僉憲陶君魯慨然曰吾事也厓山宋亡處二百餘
年葬爲邱墟甚非所以表異先賢教德勸忠之意也迺相地
建祠於行宮之旁以祀三公公甫題其額曰大忠立哀誠
於西許刻信國諸詩其下祠兩廡以勤王義士伍隆起附焉
買田若干頃復伍氏之後一人主之陶君敏於爲政多邊功
民賴之又出餘力修廢典是大有功於名教也防禦僉事林
君錦提學僉事胡君榮咸相厥成以公甫門人陳庸輩告紀
成事嗚呼此祠成而忠義勸人極立矣成化十三年歲次丁
酉夏五月己卯新會縣京山曹偉立石 王志作成化五年
建嘉靖九年有司以海道險遠請於巡按李美徙建圭峰山
巔二十二年督學林雲同建議復祀厓山知縣何廷仁修復

生員趙崇綱捐貲成之巡按郭周文復其家河塘容遠捐銀

壹百貳拾兩獎給優免不受殿王志港若水修復冠遊郡庠時

則聞厓山為宋亡之地而哀之然而未始知所游厓山者及王

謂厓山矣而悉元太后全節殿其後文公陸公張公三忠祠

其前則猶未知所謂行朝體制草昧固如是乎而疑之及余

由翰林歷遷國子祭酒禮吏兵三部尚書皆在南京以近時

則間李侍御按新會遷殿與廟於圭峰廢寺之地徒以附郭

便祀覽焉而異之未知所謂以神就人非地固故者及余致

政南歸二年壬寅仲冬之二十再謁白沙先師墓遂因友人

湯子雷復游厓山過是邑見同志舊知何邑尹治茲二年爰

兼政教曰厓山修復乃督學林退齋公之卓見巡撫都憲蔡

半洲公巡按侍御姚澤山公之斷制趙太守丹山公之倡議

沃教論君惟祿等之協贊而任其責者廷仁與孫主簿從善

也經始於壬寅四月二十九日迄工於癸卯六月初五日然

是役也廢興之故匪輕歲月之迹宜記前有白沙一峰東所

諸先生之記非公之文莫克紹光焉及余至厓山則見慈元

殿凜乎而在其上大忠祠為四楹者二則退然而避於左歇

官廳亦為四楹者二則偃然而居於右於是君臣內外之制

始明矣天冠地履之義分矣來觀者而其秉彝人倫之心油

然而生矣雖亡猶存矣考覽故迹目奇石則曰此陸公秀夫

負幼帝赴海之地也目其前厓曰此楊太后間幼帝赴海嘆

新會縣志 卷四 壇廟

五

無復望投波而死之地也望兩山會合海口如門則曰此張

公世傑瓣香祝天巨風覆舟而死之處也北望燕雲俯悲宋

祚日茲非文相國天祥屢執不屈死節時乎而感慨之情忠

義之氣勃然而興矣由是追憾有宋立國之弱舉措之乖議

論之多高宗之渡武穆之禍和議之勝社稷之弱舉措之乖議

至於如此而令人握腕感憤痛哭而流涕者矣夫然後知殿

廟之遷復而易制者大有補於名教而嘆諸君子之謀之善

也或曰遷復而易制之善則吾既聞命矣敢問三忠之為忠也

何為也哉甘泉子曰三忠則何為也哉無所為而為之者也

夫三忠者不自知其為忠不自欺其心而已焉者也知其為

忠而為之則非三忠矣夫三忠者自盡自心自存自性知殺

三十年御史林東漢重修後毀於兵

國朝雍正十一年奉

行重建

每歲春秋二仲上旬祭全節廟之明日祭大忠祠用羊豕儀

同名宦賈志陳獻章詩天地神祠此大忠百年舟楫史誰

國亡不廢君臣義莫道祥興是靖康奔走恥隨燕道路死生

惟著宋冠裳天南星斗空淪落水底魚龍欲奮揚此恨到今

惟河極極屋門東下海茫茫吳寬詩獨上高邱望大洋晚風
吹濕衣裳何人忍恥修降表當日臨危進講章海島全身
惟相潭州無事却勤王史家未識留燕意便把祥興繫宋
陸欽詩英雄無地力難支風雨蛟龍窟屢移萬死尚提
劍在五年空繫寸心悲翠華搖落流離日大學從容勸講
可千程嬰有遺恨晚來無處英魂愁不散只今遺恨水東
四豨雲斷蒼梧憶舜遊何處石頭元宋興亡俱已矣堂
亦知滄海非天塹要使厓山異石頭元宋興亡俱已矣堂
空祠廟在春秋張黻詩厓山豈是興王地正氣徒聞烈士
風歸來城郭空海上愁雲吹不散至今猶自繞行宮丁璣
詩諸老丹心懸落日樓船王氣逐秋風生如賣國榮猶辱死
符成仁敗亦功蹈海名高齊義士運籌人泣陸宣公厓山一
月淒涼月誰遣啼鵲入故宮林俊詩老迂不省興亡事落
日漁樵話頗聽國士轉於南去蹙海風時帶北來腥三仁有
死還生氣九廟無神莫乞靈天地不仁舟反覆千秋遺恨滿
滄溟黃佐詩誰扶黃屋此長征華夏分明萬古情百粵波
濤非帝宅兩厓風雨是天聲氣吞蛇豕頻揮劍力盡馳驅尚
請纓再拜高祠回首
地滿山松挂月微明

附祀田租額知縣丁積割廢寺田三頃餘供全節廟大忠
銀九十五兩零趙姓四房輪流辦祭乾隆四年署縣王植
詳明每年除祭祀外以租羨十兩以上繳官以為修葺廟

新會縣志 卷四 壇廟

祠之用查現存稅坐落歸德十五畝魚塘塘基舖地共十
四畝零潮居十三畝白沙坑等處四十七畝七分零潮居
十九畝中天廟五畝八分瀧水十四畝羅家漣等處三十
畝八分零石碑三畝小零尾三畝七分零共計一頃七十
三畝三分零俱撥入禮義一畝官戶柱內餘坐落開平
縣古博登名二都尚有稅五十三畝三分零 王志

**忠義壇在全節廟右明嘉靖二十二年知縣何廷仁建祀宋
死義軍士** 王志

**三廣公祠在外城西門街東向成化十五年僉事陶魯建祠
以祀所部亡之士割廢寺田為祠田名敢勇祠深三十丈五
尺廣八丈五尺正堂五間東西廡八間外廳三間儀門三間**

陶魯敢勇祠記國家承平日久正統間帥臣失守廣右諸徭
始為邊患延及廣左高廉以東戍守迄無寧歲至天順間民
窘甚寢起為盜維時守令或暴或罷武夫制勝無術由是充
斥所在騷然矣余自景泰甲戌來丞新會至是滿九載將去
其民相率以保障乞留於上尋被命尹茲邑當時旁邑屢破
有唇亡齒寒之憂予乃進諸父兄告之曰賊氣吞吾城矣不
備必至若諸父兄願留我必盡發若子弟從我擊賊不然城
壘雖堅未足守也諸父兄許諾退即選子弟之才者甲冑之

堅者丁之壯者不日而集先是人心恟恟惟賊鋒之為畏至是始有固志邑西北當賊騎之衝相地為寨寨各有長其險於外者為長堵置埃火設邏卒以伺賊將至一寨有急諸寨畢應凡此所以捍其外也環郭為輔城溝其旁施鐵蒺藜夜戒嚴燎火燭天桴鼓如雷所以防吾內也子弟以技擊相高遇賊輒殊死戰屢破之數年間危者以安怯者以勇鄰有被賊者恃此以為應援是豈余之所能哉實由天子威德與諸父兄教子弟之力也余累遷今秩子弟以功顯者冠帶受祿有差其尤可念者奮不顧身冒險阻觸白刃棄其妻子死者首實眾成化辛卯子巡視至邑俯仰今昔問諸父兄存歿諸父兄咸願作祠以祀之為請於都憲韓公買地城西造屋三十間正北為堂傍列兩廡命曰敢勇祠祀於此者通六十五人報死事也割廢寺田若干頃為祭需後一人為祠籍

宏治中知縣羅僑曰豈有陶公從者得祀而主將不血食乎乃改

祀陶魯而以死義將士配食兩廡祭田土名天字地南安等

處八十二畝嘉靖中額曰三廣公祠賈志乾隆五年署縣王植

撥入禮義一畝官柱內王志

吳丁二公祠在北門街西向深六丈七尺五寸廣三丈一尺

新會縣志 卷四 壇廟

五寸正堂三間儀門三間宏治十五年知縣羅僑以丁積功

在一邑而建祠白沙未慰輿情故議特為丁公設祠陳獻章

門人潭整鍾淑字宜勉助金百兩僑又置祭田四十九畝參

有碑羅僑崇禎十四年以名宦吳拳祠在城南日久傾廢乃合祀

丁公祠撥大沙田六十一畝供祀事置吳丁二公祠石額王志

附祀田租額吳公祠六十一畝土名深帽頭十五畝小深

續陞科吳姓子孫承耕辦祭其四十九畝除前令撥十二畝土名張公洲歸白沙丁公祠辦祭外尚有派洲二十八畝五畝又沖曲二畝四分松栢坑六畝五分為前辦祭之殷姓私鬻乾隆五年署縣王植查令贖回仍將各田撥入禮義一畝官戶柱以杜私鬻私割之弊王志

會二侯祠在禮義都大圓洲社右舊名林侯祠為知縣林

會建何熊祥記略林侯號石溪閩惠安人隆慶二年知邑

老思之謀而尸祝之言於監司監司曰侯功若何諸大

知其功者有孤立行一意自謂育不能奪人不能見其嚴而
仰其功者有沫濡卵翼人又以寬為其功者嘉隆之際島彝
嘯僕切如蔗舫艦之觸闖入於屋通關市賂漢人掠良家子
心方諸於澳日無動為大也侯正色日澳之已誤其可再乎
上奈何損吾民以為利遂傳檄走諸外至於今無患故以無
門為功者此類是也邑城故伊減居以國量無所蓄有警出
諸君議保障非降新城不可單車起視周遭規畫之自馬山
而南折而西北踰象山延袤千丈議井井具而侯遷秩去故
有功于無而人不知其功者此類是也邑枕山控海橫暴之
民多出沒於其間專剽掠依大豪為穴不能問而大豪又遣
其子給事當途左右持吏長短動即中以危法侯曰吾鋤豪
橫則危吾身不則危吾民然吾終不若以身易民之危於是
傲沈命法日匿盜不聞與盜同罪不數月盡得諸豪為逮逃
藪狀置法邑皆股栗遂無雞犬之盜其欲中侯者見侯廉不
持一錢請寄無所聽亦莫不嘆息去故孤立行一意自謂責
育之勇不能奪人不見其嚴而仰其功者此類是也侯嘗曰
秀盛苗穡不可不鋤豈其芟夷蘊崇是務不事灌溉翊望之
會鄉長復事侯親問日於子之鄉有居處好學秀出於眾者
有則以告鄉長已於事而竣又問日於子之鄉有刻意尚行
慈孝於父母發聞於里閭者有則以告鄉長已於事而竣侯
悉籍記之拔其秀者育於學學則有訓旌其賢者徇於鄉鄉
則有約惟驅去所謂陽鱗者是故匹夫有善可得而知也匹

新會縣志

卷四

壇廟

六

夫有不善可得而化也民是以和沫濡卵翼人又以寬為其
功者監司日夫庸知寬之為嚴嚴之為寬乎夫庸知有功之
為無功無功之為有功乎戶而祝之無為已後 國朝雍正六年生員李楓等重修

後圮道光十五年紳士廖安林朝楨何瀾安何朝剛張燕兆

倡捐重建以知縣會熙丙祠廢遂合祀焉改今名採訪

四賢祠在新城東門外南向明萬歷庚戌年建以祀知縣袁

奎署縣推官陳基虞知縣王命璿日三賢祠深十三丈廣五

丈內有池塘果株乾隆五年署縣王植合祀知縣何子明於

此改其額日四賢祠王

白沙祠在馬山之陽舊在北門街正德七年御史高韶建以

祀檢討陳獻章嘉靖中御史熊蘭提學副使歐陽鐸改建於

學宮左馬山中為神室東西構堂舍翼以兩廡御史黃如桂

名其亭日致虛東堂日溟海絲綸西堂日東風花鳥皆即白

沙所言以名之參阮通志賈志林俊記曰沙先生石齋之

連絡迫部傲不得已起起而又去憲宗皇帝知其賢特授翰

林院檢討先生受不辭又去竟未嘗一日立於朝無所得於

言無所施於政以收有尺寸之功然而孤風遠韻上溢旁流

盡一世而仰服之目領者神降聞風者意往賢者式不賢者

愧以阻且化推理眩篋脂貌漆中之流聽下風而馴素節黜

浮鎮雅名儒高士後先焉先生於名教可謂兩澤枯水熄焰

風奪炎其盛矣乎先生歿十有四年內江高君大和以名御

史來按部惻然曰大賢君子身之所生政之所臨與凡過化

之鄉莫不有祠表先民崇道化也先生白沙之祠顧獨無立

非曠典抑非吾人責與謀之大參黃君伯望命憲王君叔毅

為立祠堂又求先生故嘉會樓而修葺之義風奮激遠邇騰

歡舊門下士為市田合若干畝以充祀匱侍御君以俊辱先

生知致書來屬記嗚呼元氣會而各世生在我南服楚春陵

閩建安嘗載當其盛而黃雲紫水亦宇宙川嶽於今矣氣之

會意者其時先生蓋當之也先生身長八尺右臉有七黑子

開穎絕人舉於鄉棄而從康齋吳先生學康齋之有先生猶

挺之之有康節先生始求之博久之曰雜矣又求之靜久之

日偏矣雜佛老而超佛老張朱貳夫子先迷而後獲也遂以

宋大儒為依歸其立志甚專向道甚勇涵養甚熟德器純粹

脫落瀟灑獨超造物牢籠之外寓言寄興于風烟水月之間

與天地同流擊壤同其自得舞雩相始終焉先生之隱與措

施之大致於是乎其矣用世之志阻於鄉爭名而晦處無間

其窮其達其亦故有命邪夫麟之出為時瑞者也容有不知

新會縣志

卷四

壇廟

五

二十八年知縣林騰蛟重修

黃通志二十七唱然事聖賢之學聞康

齋先生名往從之康齋每教人讀書窮理下學上達哉然無

凌躐先據德而後依仁由涵養而致知而力行其學大要以

伊川為宗先生篤任窮研以規於成竟無所從入乃辭歸自

沙杜門謝俗朝夕擁蒲團靜坐編籍無一入瞬者久之覺心

體森然萬象具在恢乎有不安排而定不旁求而足者於是

渙然自信曰作聖之功其在茲乎自是專意本原以勿助勿

忘為極則種種色色聽其本來而我無與焉故能識動於無

會神於近藏而後發形而斯存與他門所為積累至者不

也朱子不言有象山也又曰戒慎恐懼所以閑此心而非勞

之也宋儒言之備矣吾嘗惡其太嚴焉由此觀之先生從違

邪時論競以其出處劑質是非微哉桂自結髮知重先生名

長而服教前哲始問先生之學之大致而深以未及見與不

得究其旨為憾戊申之秋桂與甘泉翁會於增江其論先生

術若如飴啖蔗服先生若七十子服仲尼桂是以得聞其

之祠弗稱人土從行咸謂請改作云大參沈君應龍僉憲諸

君敬之相謂曰樹德作人政之經也弗可以已於是命通判
王子翰相度命知縣林子騰蛟經庀事事以公需易民居之
相參諫者中為神室遺像棲焉東西構堂舍視其地翼以兩
廡昂廓其門宇復亭於後山之高平處以志仰止暨明年三
月工告竣有司請題其額嗟乎先生盛德士也安放易言哉
嘗讀先生答張東白書云虛其本也致虛所以立本元旦詩
云除却東風花鳥句更將何事答洪鈞與李世卿開談詩云
五湖烟水能多少更整絲綸鈞入冥是故讀溟海絲綸之句
可以觀志焉以名東堂讀東風花鳥之句可以觀趣焉以名
西堂讀致虛之文可以觀學焉以名亭馮虛也後之同志者
入是祠睹遺象若見其人瞻諸題辭若親聞其教志先生之
所志學先生之所學必莫有得於東風花鳥之趣與舞雩游
泳鳶飛魚躍同一襟況是以先生之道尊之者尊之至也而
余今日之役亦豈徒哉或又曰記有之士有田則祭祠而無
祭虛器也乃復籍閒田三頃有奇歲徵所入供祀事
餘以周其子若孫之不給者或繕葺遺業公家理之 國朝
順治十七年訓導陳龍光重修志道光十三年邑進士陳燮
元副貢李兆槐等倡捐重修中廳工竣頭門未就以經費不
敷中止中廳屋脊旋毀於颶風道光十九年知縣林星章捐
廉倡修以紳士譚興然何鳳何朝昌張懋相勸捐修復並砌
新會縣志 卷四 壇廟 三

馬山祠道路十餘丈李炳麟佐理其役學使戴熙書曰碩德

可師道光二十年知縣言良鈺建復致虛亭於祠左採訪冊

附祀田租額明尚書林俊捐賞置田二畝嘉靖十年御史

頭一十畝以供祀事今俱無致白沙鄉有奉祀嘗七頃五
十二畝零內坐落潮居二十一畝濬門坦田一頃七十一
畝零瀧水四畝甜水坑等處四頃二十七畝零歸德二畝
麻園李婆洛四畝八分零源清一畝亞媽庄六畝八分零

白公祠在四賢祠右康熙四十八年邑人為知縣白章建志

顧公祠在四賢祠左雍正元年邑人為知縣顧嗣協建祠三

間大門一間潤三丈五尺深六丈二尺

徐尉祠在顧公祠左側邑人為典史徐鎮建堂一間潤一丈

五尺深六丈二尺俱同上

巡撫王公祠在水南鄉三丫路康熙初巡撫王來任為民奏

請展界民德之為立廟以祀曰民之父母一在歸德江嘴村

一在瀧水沙富墟橋側名曰恩憲祠參王志

張王二公祠在顧公祠右乾隆二十年邑人爲知縣張瑄王

植二公合建草志

烈愍倫公祠在潮居林步頭墟狗山下祀外委倫相國並死

難士卒七人採訪冊

金牛廟在象山脚賈志

騎虎廟在城內騎虎橋脚同上

二帝廟在舊南門草志

觀音殿在大井頭

長生殿在惠民門

惠生殿在鍊丹井俱同上

天后宮在濠橋街一在曲背城側祀華陀仙師賈志

新會縣志 卷四 壇廟

化成古廟在西隅街

南山廟在務前直街俱同上

大王廟在橫冲俱同上以

張王廟在泗水門外明嘉靖間邑人容朝望爲崇慶州守舟

泊瞿塘夜見光如車蓋詢爲蜀將張桓侯廟次日致禱請以

還日迎神歸祀後遷郡丞舟下瞿塘謀將趨廟會江流迅急

不覺已踰百里朝望懊恨是夜舟急逆流而上晨起已還廟

下乃奉神像以歸創廟於泗水門外屢著靈異甲午邑城被

圍守者以廟近城縋卒毀廟三縋三絕乃止西賊夜見城中

燈火徹天侯金冠提戈行城上人馬絡繹賊遂退 國朝康

熙十三年邑人趙友祿梁士瓚以廟淺築河岸爲前殿益之

陳恭尹有記乾隆四十七年聖人李源何麟章等重建嘉慶

九年李挺李簡官等重修道光十八年紳耆伍有庸李植

勳譚興然何朝昌李炳麟等以廟右淺狹公捐鋪後空地並

采河岍餘地以便民往來時值廟圯重修采訪

帝臨堂在禮義都流杯橋萬歷四十四年重修王志何熊

之西不數百武有廟曰帝臨堂所者賽者趾相錯也顧其制沿古初不稱大觀近年幾更修

采漸以宏厥至甲申歲好義者復購民房作大殿於後於是

制度煥為一方鉅麗之觀然以工繁力詘門廡之新夫亦未

有門如人之冬余奉差過里謁廟告虔于神羽流進日惟神之

勸余曰吾知乎助者之為義也庸知乎若曹之不為義助者

也毋人毋殖己出納之慎其擇善知識稽之乎羽流唯唯

也一而助者魯應羽流籍而歛之以授稽工氏未幾功成廟

也一而助者魯應羽流籍而歛之以授稽工氏未幾功成廟

新會縣志 卷四 壇廟

佑而翼之故太和香火玉宇金闕有五嶽所不能埒則崇報

之有以也朝廷所兼崇天下自不得居其慢彼夫趾錯響應

雖惟神是奉亦猶象上之指矣世之偷也半文一銖將盡爭

之惟事及神明或不遑吝夫謂可徵福耳媚神之福不如為

善之福而其一隙之明無難引伸抑亦騙民之所必藉也是

故象指之為義則知增修之非瀆騙民之為順則知勸助之

非強意有所出則知增修之非瀆騙民之為順則知勸助之

夫豈不知糜財之為無補也而徒侈一方之觀美與哉

果靈堂在禮義都賈志

三界廟在知政門外俱同上

水月宮在募興橋脚俱同上

大王廟在泗冲采訪

環龍廟在百歲坊大口涌水斜飛不利於邑

接潮廟在蠅步故建廟以收水口 賈志

三了廟在三了營邑人李鶴渚捐建

環溪廟在大整明嘉靖間建雍正十三年重修知縣張

五顯廟在城東五顯坑乾隆四十二年重建知縣劉

康王廟在大路口

江灣古廟在江灣里以上廟在城外

靈鎮廟在田螺潭村

挂寶廟在都會淺下

三聖宮在振覺里

四聖宮在大濬村

北山寺在教場岳王廟右俱同上

岳王廟在教場演武亭右賈志

靈官廟在大瀝潭

塘角廟在河村

陳丞相廟在冲色村明萬歷間建康熙二十二年重修俱同上

新會縣志 卷四 壇廟

四聖古廟在北街汛前采訪

關帝廟在北街鄉按廟前有地約三分日馬草地舊傳每大損傷今人尚不敢耕鋤同上

三官廟在外海臨江臺

凡賊舟泊此無不覆滅賊皆相戒不敢近岸賈志

天后廟在河塘鄉桂園社學之右采訪

關帝廟在良村鐘邊坊創自前明道光八年容姓重修

五嶽廟在河塘暇日坊宋靖康元年建按李姓由南雄卜居於此立廟以祀

石廟在河塘恒美鄉按四面牆壁皆石故名俱同上

東山廟在城東右為觀音堂故俗名東山寺賈志

應溪廟在田邊鄉鄉人以祀張桓王乾隆二十五年建在

江海濱道光十二年圯於風職員張敦五等捐貲重建在

江灣臺厓下面臨大江隆萬間陳萬言重建按

黃氏天死於土事三娘赴水殉之尸浮至人義而為之第未詳其為何時人云

在歸德四會都會橋脚

在江門紫泥村

在江門殿前街

在江門南興街

在江門簪花街

在江門水南村旁有文昌宮

在江門石灣鄉

在源清四會東甲鄉

在江嘴鄉

在潮居一會三江鄉

新會縣志

卷四

壇廟

龍王廟在潮居二會謝沖鄉

天后宮在厓門道光十九年千總張玉堂重建

附祀田租額道光十九年知縣林星章批准將東礮臺河旁地坦上至水銀坑下至舊東礮臺小水坑

為界供本廟香燈二十年知縣言良鈺勘明

龍母廟在懷仁都小梅鄉

戴舍人廟在天臺鄉舉人戴鶴齡有記按舍人值宋末寇起乘馬出遂為所害尸逆流上馬亦殉

如生死後英氣恚勃其象如生鄉人因立廟祀之

先鋒古廟在石頭鄉蓬萊山

楊翁古廟在高沙海旁按相傳水浮木主到海旁鄉人取而奉祀後屢顯靈異遂立廟焉

四聖宮在篁村鄉海邊

五部堂廟在良溪鄉康熙三十八年知縣佟鎔捐廉倡勸重

建乾隆四十二年嘉慶十三年歷修崇禎壬午仲春流寇突劫忽有巨風沙石飛走

如助陣聲鄉勇遂仗全勝中樂宰張顯仍題其額曰聲靈
嘉慶九年流匪荼毒四鄉四月九日夜團聚鹿石嘴結
盟拜會燈火如晝良溪紳士羅龍勝羅華章等督率壯勇數
十人團繞擒捕匪於火光中倏見車旗遍野戈戟森立自相
驚潰遂獲五匪負傷逃竄不計其數知縣丁芳趨謁斯廟四
面堵拏不旬日盡獲餘匪九十餘人四鄉咸藉綏靖知縣丁
芳因題其額曰威仰威靈

大后廟在中樂都禮村乾隆五年譚肇基修嘉慶間賊匪張保擄掠鄉民屢

石廟在中樂都天河鄉廟壁立山巒面臨大江接祥河下

廟後即鳳閣山廟外石欄互十餘丈兩旁鑿石為階連級以
祀康公靈威赫然有禱必應每歲七月七日為康公誕

四鄉合祝權飲至夕仰視星
橫天牛女將渡登眺者甚眾

聖宮在天河蓮灣鄉雍正甲寅建嘉慶間賊匪張保將掠

屯聚懼而退後鄉人拾神履於道
賊之退神之靈也迄今香火尤盛

王廟在天河莘村口廟外峯巒環繞阡陌相連前為

出龍潭每遇歲旱雩禱輒應

曾縣志卷四壇廟

陀廟在天河大灣鄉南康熙甲午年建乾隆甲寅道光丙

歷修凡有疾禱之甚效

貞廟在杜阮蓬萊山昔村人黃日昇成道或傳其尸解其

陳貞女亦守貞弗嫁鄰人常夜見燐火熒熒隱入貞女

心疑為昇魂鄉人清其節為之立廟

廟在天河月灣里祀南海神洪武十七年建廟後巖高

深丈餘石勢嶙峋紅花數十本掩冉巖前故名有禱必

上天河倉邊村宮有古葵靈鶴常棲其上俱同上

國朝功令民間廟宇非請官咨部覆准不得擅

建所以正人心也故康對山武功縣志編列

甚嚴今邑尙巫覡妄思求福解衣散錢諂瀆日滋廟

汾水渡一以上自各鄉往佛山

太行水口往三竈渡一 瀧水口沙路往高瀾三竈渡一以上

各鄉

瀧水口往江門渡一七日 棠下往江門渡一 潮連高沙

往江門渡一 大澤墟往江門渡一八日 李七往江門渡

一 華萼墟往江門渡一 高沙柳往江門渡一 富足坑

往江門燒灰步渡一 沙路企塹往江門渡一 四鞏橋往

江門渡一 濠塘往江門渡一 鶴步往江門渡一 馬沖

上門渡一 棠下墟往江門渡一 水口松萌往江門渡

潮連往江門渡一 古井田寮往江門渡一以上各鄉

雨萌來城渡一 梅角沙堆來城渡一 石沖遠南萌來城

渡一 上下二沖鴨寮岡來城渡一 沙富錦江來城渡一

會縣志 卷四 津梁

大澤墟來城渡一 黃竹頭來城渡一 甜水坑來城渡

一 京背水坑沖來城渡一 張村來城渡一 潭江來城

渡一 李七來城西塾渡一 梅岡來城汾水江渡一 茅

一 來城大口沖渡一 雞籠岡來城汾水江渡一 沙路河

遷來城西塾渡 黃沖來城渡一 嶺背來城渡二 瀧

一 來城西塾渡一 石門來城渡一 企塹來城官來橋渡

一 古井田寮來城渡一 天祿村來城西龍橋渡一 瀧

小口來城西塾渡二 硬墟來西塾渡一 塘河來城西塾

渡一 泰岡來城渡一 繪厝角來城汾水江渡一 石

一 桑城渡一 石嘴來城汾水江渡一 渡江來城汾水江

一 沖瀝來城渡一 馬沖來城渡一 深籬來城渡二

一 紅來城渡二 黃茅岡來城渡一以上自各鄉來城

葵邊松朗往冲黎渡一 西龍橋往水邊渡一 江門
開平曲江村前渡一 西整往瀧水口渡二 大整往長
渡一 古井田寮往菱塘渡一 西龍橋往濠冲渡一
陽往冲花渡一 汾水江往九龍渡一 大嶺尾往寶橋
渡一 江門往長沙渡一 甜水坑往官冲渡一 以上自
各鄉往

水渡 古涌過織羊尾蕉岡沙涌渡一 新整過冲渡一
石礎過江門鐵巷渡一 潮連芙蓉蘆過牛眠石渡一 江
門過崩山渡一 江門釣臺過臬頭渡一 高沙過白石渡
一 新墟過鮑魚冲渡一 周郡過深涌渡一 鸞臺村過
北溪冲邊渡一 烏洋蘭過甘竹渡一 下村過良花渡一
白米洲過河渡一 水東埠過冲渡一 大片田過冲黎
新會縣志 卷四 津梁

圍渡一 銀瓶嘴烏洋蘭過大坑口渡一 潮居都九畝三
八墟過西北兩岸渡一 潮居都五畝四九墟過南東北兩
岸渡一 外海過古鎮渡一 六步頭過河渡一 甘竹嘴
過河渡一 高沙柳過白石渡一 三娘廟過甘竹渡一
白石過北街渡一 蟠步過潮連渡一 原係區劉二姓餉渡
乾隆四年與李姓爭
訟李鴻圖等捐為義渡署縣王植詳請兩院將公頂銀兩
除造船外餘設法生息以備修船經費作為官渡免渡餉 梅
角沙堆渡一 水南渡一 南岸村渡一 尖洋尾渡一
冲邊渡一 龍舌嘴渡一 濠濬渡一 甘竹嘴渡一 北
岸渡一 水邊渡一 黃冲渡一 潭江渡一 市前渡頭
嘴渡一 大範整渡一 冲鄧村渡一 神仙坑渡一 大

石長澗渡一 水口墟渡一 新墟大火圍渡一 篁村渡
一 大來渡一 齋塘渡一 石牌不渡一 山歧坑渡一

上泮沖渡一 竇口墟渡一 仙洞江朗渡一 古井濠

沖渡一 竹橋潭沖渡一 馬沖村前渡一 小慕岡渡一

廟海口東南岸渡一 潮居沖茶渡一 上沖濂渡一

平步岡渡一 大灣村渡一 張勤沖渡一 三合渡一

陳沖渡一 三江渡一 濠橋渡一 張王廟渡一 接官

亭渡一 環溪廟渡一 環澗里口渡一 西墜閣渡一

挂寶廟渡一 大悅濬渡一 都會渡一 振覺里渡一

泮宮橋在文廟櫺星門內跨泮池為中道知縣熊坦重修賈志

浴沂橋在文廟右今廢同上

步雲橋在文廟左跨文溪初知縣陶魯建文溪左右橋嘉靖

間僉事李文鳳建亭其上後皆廢萬歷三十六年知縣王命

璿教諭賴彩訓導于大猷孔灝於左橋故址再徙而東為化

新會縣志 卷四

津梁

五

龍橋建亭其上曰宮牆第一流康熙五年教諭姚士裘重修

乾隆六年監生許成璉許文瀾以父誥贈武德將軍盈芳嘗

貲重建王志

北溪橋在北門內文溪所由以注學宮乾隆六年貢生李應

驛重修

翰祿橋在東門內文溪由之出城乾隆五年生監譚德譚子

表譚亮彩等以祖修初嘗貲重修並捐砌河岸按翰祿橋舊名韓屋橋

石有筆硯形坑水暴漲浸之即

南門橋在舊南門明洪武十八年守禦千戶田清建乾隆六

貢監莫上紳黃聖杰等捐祖父嘗貲重建俱同上

多橋在賣油巷大地採訪冊

橋在舊東門明洪武三十年建板橋賈志乾隆五年邑人

訓導盧道猷改建石橋曰義溥橋王

門橋在舊西門明萬歷二十一年鄉官黃淳重修賈志橋頗

嘉慶七年里人呂祥雲旁加二石以拓之草志

上橋在北隅街舊曰百丈橋明嘉靖五年署縣林應驄建

歷二十三年鄉經歷葉承澤募修賈志乾隆五年舉人葉先

生員葉星護等以祖舉人高生嘗貲重修王

西隅橋在西隅街跨五顯溪鄉官劉杰許培之重修康熙十

九年生員劉鏞重修賈志乾隆十五年監生劉即達舉人劉洪

憲等以始祖生員景和嘗貲重修五十八年副貢劉揚佩以

景和嘗貲重修旁護石欄草志

橫沖橋有三中橋在陳家塘基前前後二橋相隔不遠採訪

尚書坊橋在尚書坊前何姓以太保祖嘗貲捐建

新會縣志 卷四 津梁

跨龍橋在三丁路前邑人捐建俱同上

五顯關橋五顯中橋二橋在五顯沖乾隆五年監生劉即達

舉人劉洪憲等以始祖生員景和嘗貲重修王

宜民橋在東隅街亦曰翼民橋嘉靖二十六年知縣王交建

邑人何孟倫乾隆五年監生黎元長重修王

清化橋舊創於浮屠名和尚橋明天順元年知縣王重縣丞

陶魯重建賈志郡十七而邑六十求惠義如子產者僅新會令上

重丞陶魯而已附郭之陽一溪曼衍曰深浦厥地漢為海宋

元為潮田我朝洪武為桑田桂蒲雜翳蘆葦荒莽宜德初民

尋壘土鱗次以居橋名和尙起於浮屠正統癸亥也規陸矩

狹春水斷之江漲則路絕舟泛莫進少城則舟膠半港細民

患乎漁樵途旅病乎險涉陶即慨然捐公貲禁化緣之名宏

其規深其矩岸費省而利舟車耕者樵者忻忻如行若負者坦坦

有四材堅費省而利舟車耕者樵者忻忻如行若負者坦坦

如邑之人感其德之廉橋之通以工而不以民日曰清化橋

正德十一年知縣徐乾重修賈志乾隆五年紳士戴大成任大

中何聖安何璋等重建水關內外橋王三十七年紳士何麟

章等重修草志

義全橋在水關頭內舊為小木橋乾隆五年武進士區有鳳

生員區虎朝等將岳伯區越嘗貲既修水關頭併將木橋改

建石橋外護石欄署縣王植謂其義舉克全命以是名王嘉

慶十六年職員區青葵復以岳伯嘗貲重修草志

深冲橋在清化關內深冲舊有小木橋乾隆六年監生何敬

樂重建三十六年生員何鷗揚何鷗揚復建王嘉慶二十一

年貢生何其浚職員何其瑞等易以石週護石欄採訪冊

義濟橋在城東明嘉靖三十四年知縣熊坦建有乾隆五年

監生區師緝師汪等兄弟捐貲重建王嘉慶十七年區衍源

祖嘗重修草志

新會縣志 卷四 津梁

雲龍橋在騎虎廟左乾隆五十三年紳士胡健梁棟建

關帝廟橋在東門祖廟前乾隆二十五年監生何元輝重建

曰忠義橋俱同上

挹泗橋在騎虎關內乾隆十二年知縣周懷濟重建王志以上新

城內

會龍橋在騎虎關外知縣徐乾建賈志乾隆六年監生黎元長

重建石橋長三丈六尺濶五尺六寸石欄七幅易名會龍並

附橋石路西二十六丈東六丈濶三尺二寸王志

政橋在務前知政門外橫跨縣池舊柱木五間架板於上

正德十一年知縣徐乾建知縣張文鳳陳豪相繼修之易

以石中為弔橋可拔以通桅檣萬曆四十年知縣熊維鐘

生員孫顯祖重修架板上置欄楯與馬便之賈志黃淳記畧天壤間自有

名山大川為國帶礪若我古岡辰山帶河亦形勝區也天河浩矣西注長沙渺然東趨宗滙南墟厓山直以一門鑰之外而天壽皇波走帆檣而度碧空內而鏡心華渚橫梁橋以接元衍左知政右通濟熾然伏波中噫昔之功亦云偉矣歲積坻乘凡舉踵而臨瀛壖應淪溺者恆兢兢焉適以通濟鼎新矣左之民枉道而右由莫不苦勞怯透平政者寧忍然乎客歲孫君顯祖蔣君尚質等賈勇故議淳為之作鳩工引問諸熊侯給鏗劇金從事不日告成東西翼翼昭回大觀而徒而與若履康莊名以知政良有當也抑是橋也安獨為便涉計哉幹旋元運靈壘文風亦有裨焉蓋占岡形勝若大人正士垂紳正笏乎巖廊之上綠護剝剝展屏張也玉臺峩峩冠蓋整也馬角象鱗龍奉虎揖鏡心一水環合如帶二橋肅肅帶綬繫也矯若虬龍將乘風雲而翔霄漢宛若虹霓欲與雲雨而澤寰區以故詞客學士雷動波興衢騎車馬術竟簪紳而昔之徵玉堂祀璧宮若我文恭先生有明應矣今更而巽塔載建天祿巍巍直以二橋相掩映則有大人正士彬彬名世策勳帶礪以光照我文康熙五十八年貢生陳高彥吳琨等恭道學者又常何如耶

捐修河兩岸各造石鞏石階河中仍用弔橋如舊制乾隆

十年貢生李其芳等捐始祖甲族嘗重修自後所有修葺皆

李姓祖嘗任之草志

新會縣志 卷四 津梁

通濟橋在東亭驛右與知政橋相望制亦如之明宏治十五

年知縣羅僑建嘉靖十一年知縣張文鳳重修賈志 許炯

鬱水出武陵迤邐而南即邑之東水也分水自龍池以合於紫溪即邑之西水也吞吐匡門滙為大川方夫潮勢洶湧若萬馬奔馳篙師失楫海賈介頰則荷擔而立者有望洋之歎至於水落石激疾流駛波渦盤輪旋則褰裳而渡者多失足之悔具此二患民病濟焉吉水羅侯蒼梧徐侯先後創為二橋東曰知政西曰通濟舍舟而輿去涉而步民咸樂之奈何驚濤日侵寒蘚歲蝕嚙為空枯勢殆崩危過者標標壬辰常熟張侯節縮浮費量日鳩工代木以石起魚麗之架作龍脊之車運巨石於深淵沈精金於斷岸費有不經民樂輸施功將就緒侯以憂去百役益虔如侯在上繼以長樂陳侯竟發完美又繼以莆田陳侯增飾欄楯萬歷三十一年署縣吳邦

俊封尚書何上新重修賈志後屢圯屢修皆何氏子孫任之

國朝乾隆八年貢生何德瑛等請捐其曾祖太保嘗贊興修

監生何棟何五樊何敬欒何亦炬分司其事十閱月橋成四

登以石翼以扶闌時署縣汪宗禮以既完且堅恢於往制遂

勒碑橋左何震有碑乾隆十七年監生何璋又與族眾聯名

呈請捐修採訪

案王志載乾隆十七年監生何璋又與族眾聯呈捐
修工竣署縣張甄陶為敘其年月緣起刊於邑志以
勵好義等語查志成於乾隆六年而何璋捐修事
隔十餘年張甄陶何能將其事刊入志書其為後人
私增無疑考王志內所載乾隆六年以後事者尚多
今俱覆加採訪無者刪之有者據採訪冊纂入以昭
核實發其凡於此

禮義橋知縣伍睿指揮陶燦建為縣江鎖鑰今廢王志
賈
之水背郭斜飛置橋截之亦縣流之鎖鑰不礙便行旅也然
當時以木結構過者駝旒謂易以石庶幾永久今廢且數十
年非修舉
所當務與

新會縣志 卷四 津梁

承恩橋在承恩街明萬歷三十七年重修賈志

步紫橋在沙堤紫水里道光八年生員鍾顯揚州同鍾榮光

以祖蘭谷嘗貲重建採訪

油步涌橋明永樂十年鄉民譚觀福建賈志

西龍橋在漣灣口王志

西整橋舊用木明嘉靖三十五年生員蘇道克易以石賈志

官來橋在西整明嘉靖二十年知縣何廷仁建同上

灣巷木橋在西整鳴埕下嘉慶十四年知縣沈寶善建草志

永安橋在縣西顯學里明萬歷十二年余良棟建賈志

大濟橋在邑河南界禮義源清二都間明萬歷二年生員潘

陸倡建木橋崇禎末鄉官何士琨捐金重修 國朝康熙十

五年逆賊馬雄犯城橋廢鄉官余玉成梁官華同里人葉在

田張元哲等倡修易以石賈志余玉成記略濟人之事非

者遠也吾邑襟帶之水滙於城南由小河以達大海大口涌

居一焉兩岸相距不離數武而盈盈一水跋涉為艱往文學

潘君倡議為橋司寇何公士琨成之名之曰大濟上架大木

者三然各三板歷數十年風雨浸漬圯朽陟壤獨存僅存行

人恍惚余嘗肩輿過之惴惴不敢輒度因歎橋梁之設本於

王政當此政治人和之日百廢俱興而此橋關焉不修非所

以稱大濟之義也乃與諸父老謀為文勸相以授居人葉在

田輩展轉告募購石鳩工更壘石趾穹石梁梁如偃月於是

車徒過者無復顛頓之虞矣顧石梁之製其下穹窿其上斜

偃拾級而登旁護石闌而橋制始備今募金已竭工料不敷

雖不足誇五柳百花之勝然以較之獨木則不可不謂有濟

雖然橋以利涉而已而此橋之修又與他橋不同在堪輿家

言謂大口涌水斜飛直出於邑不利倘不湮塞則宜高其橋

梁以蓄風氣後之君子苟能合眾力而崇飭之克成厥終將

見吾邑之人文日盛闔閭日富其所謂濟者

不更大乎是不能厚望於後之君子已

乾隆五十一年

監生張孔學孫奕高等勸捐重修草志

流杯橋在帝臨堂流杯里賈志

躍波橋在新魁潛舊為木橋康熙四十二年武舉聶夢奇夢

新會縣志 卷四 津梁

三

龍改建石鞏築階石七級橋長三丈二尺高一丈二尺濶八

尺旁週以闌石王志

薊掃橋在新魁潛乾隆二十二年貢生聶大中建草志

東河橋在新魁潛東邊岸高三丈濶一丈長四丈六尺嘉慶

十六年武進士黎廷彪黎本捐貲重修同上

金紫橋在新魁潛一名青雲橋高一丈六尺長三丈八尺濶

九尺康熙四十二年武舉黎忠等建復文閣右乾隆六十年

武舉黎大光生員黎仕稷等重修同上以

野渡橋在趙村頭宋紹興元年趙碧崖建明永樂十五年施

野渡重修賈志

黃坑橋在都會明萬歷三十一年重修同上

奇榜橋在奇榜村圓明庄前 國朝道光十八年邑人黃震

亨梁元重修採訪

鯉魚橋在紫泥村舊傳鯉魚常聚於此或云以橋石形名上

貞節橋在陂頭村明陳獻章為母林氏建賈志 黃季詩 橋上歲歲清明 踰馬蹄 人橋上晚潮低 阿婆天與 陂頭上歲歲清明 踰馬蹄

楚雲橋在楚雲臺前賈志 明陳獻章詩一木欲墮溪岸高 江門丈人放步牢 脚底太行開 幾片秋

跨龍橋在禮樂鄉又名網頂石橋乾隆二十五年建採訪

南溪橋舊為木橋在禮樂南溪水康熙十五年西寇掠鄉橋

廢濟以舟乾隆四十四年易以石鞏

象溪橋俗名賣羊橋在江門象溪坊口江門呂姓始祖浩然

嘗重修

象濟橋在江門左營汎後象濟坊江門呂姓始祖浩然嘗建

新會縣志

卷四 津梁

修俱同

大虹橋一曰象涌橋在江門口草志

汴溪橋在裏村採訪

灰步橋在江門東草志

貫溪橋在歸德舊社鄉明王昌齡建採訪

社橋在歸德白石鄉草志

會龍橋在歸德水南鄉明王以璋捐石建造 國朝康熙間

裔孫王湛重修王嘉慶十九年監生王天彩等復將祖湛嘗

貴重修草志

萬成橋在歸德外海鄉明鄉賢陳吾德建賈志

升堂橋在歸德外海鄉東昇街下路嘉慶十六年生員陳信

友倡捐創建草志

龍安橋在歸德外海鄉龍安里武進士陳忠建採訪

西華橋在歸德石涌村賈志乾隆六年舉人陳鵬振生員陳鴻

舉等以祖陳遠嘗貲重建王志

富溪橋在華萼大富鄉賈志乾隆三十四年鄉人重修草志

廣濟橋在華萼高沙鄉渡頭明鄉賢區越建賈志並砌石路草志

公濟橋在華萼河塘三丫村石墩木梁長一丈五尺濶八尺

草志

塔岡橋在華萼塔岡鄉賈志

水松橋在華萼河塘鄉同上以城東

聚源橋在中樂天河秀村長一十餘丈有三門草志

濟川橋在觀瀾書院前康熙丁亥創木橋雍正癸丑重修乾

隆三十五年易以石甘姓捐建採訪

新會縣志 卷四 津梁

拱北橋在中樂良絲岡明萬歷二十五年黃元宰重修賈志

風雲橋在桐井鄉

成西橋在中樂整子邊明成化十七年鄉老黃紹紘建俱同上

桐社橋在岑村鄉採訪

會龍橋在中樂槎溪鄉左大雁鳳凰兩山之水發源數十里

奔騰而來盡出其下草志

見龍橋在中樂龍灣步明萬歷十三年生員譚持儉建賈志

接菜橋在中樂丹甯鄉丹井里草志

藤澤橋在中樂明萬歷七年建

接龍橋在中樂石頭鄉同上訓導陳鶴鳴有記

卧龍橋在北關外採訪

滙源橋在棠下鄉嘉慶七年建同上

牛山橋在杜阮鄉牛山下乾隆間鄉人黃光耀建草志

天湖橋在杜阮鄉乾隆間鄉人黃國琛建同上

松蘭橋在中樂松蘭村賈志

步雲橋在中樂都天河鄉乾隆間鄉人蕭良錫易之以石探訪

天平橋在中樂都倉邊鄉外同上 諸鄉 以上

花橋亭橋一名龍溪橋宋開禧三年知縣蔣宜建上立彩亭

元末亭廢賈志

妙宗橋在沙頭跨紫水宋紹興十一年道人胡妙宗建同上

沙堤橋在沙嘴李村舊為木橋乾隆四十五年拔貢李顯生

員李綏監生李振李連枝將祖孟秀嘗費建易以石長三丈

五尺旁護石闕草志

新會縣志 卷四 津梁

小市橋在懷仁都元至順三年鄉民陳辛甫建賈志 按陳辛甫有德於

海賈奉以金珠弗受賈築小市橋銘其事以報之

小海橋一名葫蘆橋長石四塊濶四尺許石紋象葫蘆故名

草志

美成橋在蓮塘宋紹興石刻 紹熙元年僧慧明建賈志 國朝雍正

八年重修探訪 冊

井岡橋明正德二年鄉官鄭銘建賈志

大澤橋在新化大澤墟口草志

響水橋在小澤鄉舊為木橋乾隆三年里民梁學顯梁華碩

等以祖嘗費易為石同上

利濟橋在潮透濶四尺直十丈餘乾隆二十一年生員周乾

矩等倡建知縣周懷濟有 探訪冊

橋亭橋在新化五畝橋亭鄉明萬歷三十九年重修黃淳有記

志後圮 國朝雍正十年貢生吳琨重修王嘉慶十五年生

員周祐等勸捐重修草志

喬盛橋在上冲濂鄉喬盛里冲口草志

宏濟橋在上冲濂鄉嘉樂里東南同志

老女橋在遵名三畝張村昔有老女不嫁以奩資建賈乾隆

元年貢生吳琨重修高一丈長四丈濶四尺王五十八年貢

生劉凱監生劉衍與張村黃族倡捐重修草志

牛埒橋在牛埒村路通新寧本木橋嘉慶八年監生林元勳

捐貲重修易名同上

躍龍橋在潭岡村東乾隆三十三年建採訪冊

新塹橋在嶺背村路通新寧本木橋嘉慶八年監生林元勳

新會縣志卷四津梁

捐貲重修易以石草志

橫岡橋在橫岡南道光年間易以石採訪冊

太平橋在遵名二畝太平溪康熙四十一年劉自悔建長二

丈三尺高一丈一尺濶五尺乾隆二年子監生念祖重修六

十年副貢劉凱監生劉衍等重修草志

沙富橋在沙富東乾隆五十七年建採訪冊

禮義石橋在瀧水萌頭村嘉慶十九年鍾崇本等重修草志

河村橋元至正間建賈志

慧龍橋在石碑以寺名同上

天等橋明洪武十八年潦廢 國朝康熙二十年僧得大募

修賈志蘇楫汝記畧天等為邑西孔道近接開平遠訖高

以通諸郡凡自邑赴高雷者道必由之而前阻大溪有橋焉

所謂橋者僅餘四楹獨立溪中顧與岸不相接行旅車徒欲

渡橋者必涉而發行獨木中勢峻且危下觀湍流箭激則心悸股慄往往往墜而溺或溺而死然自橋之壞也已數百年屬得大上人爲天等梁氏子從雷峰歸省其母因喟然曰橋以濟人豈以溺人吾何愛此頂踵而不乞諸檀越以治此橋橋而不治吾其以精衛填也趨而謀諸巡尉鄭君茂發往視濶狹程其工費序冊授上人展轉告募一時紳士耆老隨力樂輸上人歛金購石庀材鳩工於兩厓前各築石堰以復岸之故址撤其噴石朽木更置大石爲四石楹楹如蹲鴟上架巨木爲橋五道長各丈有六尺大凡三尺有咫堤橋相接屹若長虹於是行旅過者無復向時之患矣是役也經始於辛酉之春以癸亥秋雍正五年生員吳球重修視舊加濶厚獨力捐輸八百金行旅便之王志

聚賢橋在遵名九源寺前乾隆二年九源寺僧無量募建同上

以上城西諸鄉

仕路橋在潮居北到鄉明鄉賢湯和建賈志

紫堂橋在潮居康寧堡舊有木橋嘉慶十七年監生譚大韶

倡捐重修易以石高五尺濶五尺直四丈五尺護以石欄草志

新會縣志卷四 津梁

新橋在潮居北到龍城鄉明鄉賢湯和建賈志

北帝廟橋在天臺鄉南水舊有木橋嘉慶二十一年舉人戴

鶴齡倡捐易以石並砌廟前路至南岸頭數百丈草志

仙水石橋在潮居北到鄉其水自九德山神仙井流注村口

橋橫跨溪水今橋已圯橋邊殘石猶有水橋二字舊志以溪

名仙井遂誤爲仙井橋上同

長橋在潮居區村凡五鞏今廢賈志

小岡石橋在潮居七畝大石橋鄉宋紹興二十二年進士梁

彥雄建長二丈六尺濶三尺五寸厚一尺七寸淳熙乙巳年

雄子立重修王志

起蛟橋在石碑海滘鄉舊有木橋乾隆十三年舉人李挺生

倡捐易以石草志

舍人廟橋在天臺鄉康熙三年生員戴國球倡建兩岸甃石
高丈餘大稱之廣六尺長二丈有奇旁列欄楯與馬便之賈志
道光十八年都司戴文彪易以石採訪冊

大龍橋在天臺鄉大龍里草志

大石橋在瀧水水背鄉賈志

青雲橋在瀧水四畝京背鄉草志

步雲橋在瀧水四畝橫水鄉俱雍正三年鄉民蘇顯三勸題

倡修兩橋相望

島橋在瀧水島橋鄉龍母廟左俱同上

慕岡橋在瀧水慕岡鄉賈志

塘河橋在瀧水塘河鄉同上

光義橋在瀧水雙湧寺前明萬歷十九年鄉賓張思仁建思

新會縣志 卷四 津梁

早

仁又於凌涌建橋以接天亭曰步天橋參賈志 李彞步天

亭為巨市市之傍有溪焉其源發自將軍拱型諸名山延迴
二十里直透古雙湧寺前達於海往來絡繹日以萬計除晴
霽安流勿論至於漲潮漲排空浴日行者跋涉其間被其
淹沒者指不勝數戶部凌山公初成進士議為之橋有志未
就公從子張君思仁追感而成之作凌涌一橋以接天亭名
曰步天作雙湧寺前一橋以彰先德名曰光義兩橋既成遠
近往來咸便之真若復長江而為坦途起胥溺
之衆而登之雲衢之上也因而誌之以垂不朽 國朝乾隆

三十九年思仁裔孫本世重修草志

見龍橋在瀧水沙富鄉明季設有木橋後圯 國朝雍正十

三年鄉人張鍾沛等倡捐創建石橋濶四尺五寸長二十五

丈乾隆二十七年圯場二十八年監生張元張仰齡等修復

四十年復場五十七年舉人張元進監生張挺立捐修移建

下流水勢稍緩處制如其舊張元進有記 參王志採訪冊

脉連橋在新化西涌鄉草志

沙塘橋在潮陽明永樂十二年鄉民葉大吉建賈志

永寧橋在潮陽檀溪元至正十年鄉民林文驥建一名小報

橋石旁鐫永寧橋中元辛未石匠張四六工夫十四大字元無

中元年號若至正十年則為庚寅而非辛未
意橋成之日節屆中元日為辛未也

賈志

大報橋在潮陽明洪武三十年鄉民宋永建同上

西邊橋在潮陽二七墟明初沖花鄉人袁景泰建草志

安瀾橋在源清東甲鄉嘉慶九年監生梁士魁鄉人梁遇始

倡建

訂字橋在南溪坊又名解鈴橋俱同上

洽陽橋在潮陽硬步杜岡鄉今廢賈志 以上俱
城西南諸鄉

磨鏹步橋在圭峯山下明萬歷三十四年黃家相倡修同上
城

北鄉

新會縣志 卷四 津梁

四賢祠馬頭在東門外天后廟右前未有馬頭乾隆六年濬

河時生員區天佐等以祖區元晉嘗捐貲砌為船舫上岸之

所橫濶各二丈七尺草志道光四年紳士何朝彥伍有庸何殿

春何鳳等又於廟左復砌馬頭濶十餘丈採訪冊

迎恩馬頭在東亭驛前大南門外原有馬頭迎接詔書皆在

於此故名迎恩歲久坍塌重以兵燹廢為平地小民侵蓋舖

舍僅存丈餘署縣王植開大南門乃撤去舖舍而馬頭未就

乾隆八年貢生莫名揚馮驥監生吳承歡各捐金鳩工修造

童其事者監生何五樊黎元長也為階八級中為大馬頭東

西為小馬頭以便陟降工費未敷五樊元長復捐金成之濶

八丈五尺深二丈規模宏敞砌石完固不特為邑壯觀而舟

楫停泊亦皆得所矣採訪冊

南岸渡頭戴宗興稅地嘉慶五年戴敬修捐始祖西巖

以石砌築馬頭橫五尺直六尺志草

南岸渡頭戴眾同稅地嘉慶五年戴敬修捐始祖西巖

以石砌築馬頭橫六尺直一丈六尺

潮連兩官渡頭嘉慶八年鄉人重修俱同上

墟市

按粵東墟市並稱而日中為市著於經墟則未見虛古墟字戰國策孟嘗君謂市朝則滿夕則虛南越中埜市曰虛即墟之名所由昉也蓋粵中墟十日或三會或四會聚時少而散時多故謂之虛而邑王志先市而後墟蓋名從其朔今依阮志例先墟後市亦先大後小之意云

新會縣志 卷四 津梁

朱紫街墟城內 沙頭墟 小澤墟俱懷仁都 大澤墟

沿江墟 潮透墟俱新化都 張村墟 白廟墟

北洋墟 石步墟 司前墟俱遵名都 談雅墟

天等墟 河村墟俱石碑都 江門墟 外海墟

廟前墟 杜阮墟俱歸德都 豸尾墟易名復興 河塘墟俱華都

棠下墟 桐井墟 昇平墟 昌平墟

蘇步墟 丹竈墟俱中樂都 小岡墟 南門巷墟

岡頭墟 林步頭墟 古井墟俱湖居都 潭涌墟

雞籠岡墟 沙塘墟俱潮陽都 天平墟 天亭墟

仙洞墟 黃涌墟 沙富墟 水口墟

沙路墟俱瀧水都 上梧墟 沙平墟 沖口墟俱得行都

復興墟 潭岡墟俱文都

東門市 南門市 西門市

字街市俱在城內 務前市 驛前市 濠橋市俱在城外

阮市 龍潮市 水津市 常亨市

一灣市 大康市俱歸德都 大蠡市 巷頭市

河塘市俱華都 談雅市 田邊市俱石都 高邊市

嶺背市俱湖都 司前市遵名都 慕岡市瀧水都

郵鋪

縣東總鋪起十八里至木前又十三里至圓岡鋪又十二里至陸村鋪又十二里至棠下鋪又十二里至金竹鋪又十里至瓦窰鋪又十三里至古蠶鋪又十五里至坡亭鋪又二十四里至南海沙坑鋪王志

按王志瓦窰古蠶坡亭三處地雖隸鶴山而鋪役則

新會縣志 卷四 津梁

遞送本縣及恩平開平新寧三縣公文其鶴山別有鋪遞茲仍照舊志錄入不得以其非本縣疆域概從

刪汰

縣西總鋪起十里至潮現又十二里至蓮塘又十四里至橋亭又十里至草坪又十里至草萌又十里至開平水口鋪又十五里至梅冲鋪又三十里至新寧李凹鋪王志